

ALLAKKIAQ

Ullo : 8. oktober 2013
J.nr.: 20.21.04/06-00006

Inatsisartut illussaat nutaassaq pillugu suliaqarnermi killiffik

Kingullermiit

Allattoqarfik arlaleriarluni Siulittaasoqarfíup piginnaatitsinera tunuliaqtaralugu suliffeqarfínnit illussanik titartaasartut TNT-mit aamma Qarsoq-mit, sanaartornermi siunnnersortsit pilersaarusiortullu Inuplanimit, Attaveqatigiinnermut Naalakkersuisoqarfímmiit Illuut A/S-imillu aallartitanik ataatsimeeqateqarpoq. Kingulleq taaneqartoq illussap napparneqarnissaanut taassumalu taarsigassarsinikkut aningaasalersorneqarnissaanut akisussaasuovoq pingaardeq. Inatsisilerituut suliffeqarfíat Malling & Hansen Damm tamatuma saniatigut allaffigeqatigineqartarpoq.

Oqallinnerit taakku tunuliaqtaralugit pitsaanerpaasumillu ingerlatsinissaq siunertaralugu suliamik Inatsisartut illussaata napparneqarneranik kinguneqartussamik ingerlatsinerup aallarnisarrera ersilerpoq.

Pilersaarutip ingerlateqqinna

Illuutungerisanik oqaloqateqarnerit aallaavigalugit siunertamut pitsaanerpaasumik – piaarnerpaasumillu – suliap siuariartornera ima iluseqartussatut illuatungeriinnit isumaqatigiissutigineqarpoq:

1. Sanaartortitsisup Siunnersortaanik toqqaaneq (illussanik titartaasartut): TNT kiisalu Qarsoq suliamik tamatuminnga tigusisinnaanertik isumaliutigequllugu qinnuigineqarput. Tamanna suliffeqarfínnut taakkununngar marlunnut isumatusarluni alloriarneruovoq taakkumi illussanik titartaasartunik unammititsinissamut peqataanissamut periarfissaqassannginnamik, tassami sanaartortitsisup siunnersortai illussanik titartaasartunik unammisitsinissamut peqataasinnaanngimmata. Siunnersortsitut suliad suliariumannittussarsiuuneqarnissaannik Inatsisiliat piumasaqaatitaqannginnerat oqaatigineqassaaq. Teknikkikkut Inuplanimit taperserneqarluni sanaartortitsisumut siunnersortiunissaminut suliffeqarfík TNT soqutiginnittooq oqaatigalugu allakkat uku allanneqarnerat nalerorlugu suliffeqarfík nalunaarpoq. Tamanna akissuteqaataasutut iluarisimaarnartutut nalilerneqartariaqarpoq, taamaalilluni Inatsisartut suliassaataannik ingerlatsineq suleqatigiinnit suliamut ilisimasaqarluartunit sumiiffimmullu kisarluarsimasunit ataqtigiissaarneqassaaq.
2. Sanaartortitsisup siunnersortaa suliap ataatsimut isigalugu maanna killiffianik pisariaqartitaanillu minnerunngitsumik pisariaqartitanik maannakkut amigaataasunik naammattumilluunniit matussuserneqanngitsunik nalunaarsuinermik Siulittaasoqarfík peqatigalugu Allattoqarfímmi suliaqassaaq, taamatullu katillugu qanoq annertutigisumik nateqarnissaanik misissuissalluni. Tassani pissutsit

Isumannaallisaanermut, pilersugaanermut, aqquzinerniit palliguffinnut, tusarnaariat isaariaannut, atortulersuutinut teknologiskiusunut il.il. tunngassuteqartut tamarmiullutik ataatsimut *sanaartukkap* tamarmiusup *pilersaarutaanik* inerneqarumaartut ilanngullugit. Tamanna illoqarfiup iluani qiterpasissumi nunaminertamik sanaartorfissaqqissumik nassaarnissamik kiisalu illoqarfiup iluani sanaartugassanik pilersaarusiamut tapiliussassamik sanaartornermi siunnersorti isumannaarissaq.

3. Sanaartornermut pilersaarusiaq tamarmi ataatsikkut illussanik titartaasartunik unammisitsinermik kiisalu sanaartukkap napparneqarnissaanut neqerooruteqartitsinermik imaqartoq malillugu *ataatsimut suliariumannittussarsiuunneqassaaq*. Tamanna illussanik titartaasartut Kalaallit Nunaanni angerlarsimaffeqartut najuuttullu kisimik peqataanissamut kaammattorneqarfigisaannik “Qaaqqusilluni illussanik titartaasartunik unammisitsineq” atorlugu aaqqissuussinikkut pissaaq. Unammisitsinermi peqataasoqarlurnissaata isumannaarniarlugu, tamannalu peqataasut iluaqutaasussatut isigigunikku, suliffeqarfinnik nunap iluaneersunik nunanilluunniit allaneersunik suleqatissarsiornissaq kaammattutigineqartoq suliffeqarfinnut illussanik titartaasarfiusunut paasitsissutigineqassaaq.
4. Pilersaarusiap aallartinnerani sanaartornermut pilersaarusiamik suliaqarnermi piaartumik entreprenørinik ingenørinillu sulegateqarnissamut illussanik titartaasartut *ataatsimut neqerooruteqartitsinerup* atorneqarneratigut “pinngitsaalineqassapput”. Sanaartukkamut pilersaarusiaq ataatsimoortumik suliarilluagaasoq taamak iliornikkut ajugaasutut toqqagaassaaq, taamatullu illup napparneqarnissaanut akinik *piviusunik* tunngaveqarluni neqerooruteqartoq. Tamatuma aamma pilersaarusiamik ajugaasumik toqqaaniarluni naliersuinermi titartneqarnermi torrallataassuseq, akunnaatsuliaassuseq pissutsillu aningaasartuuteqarnermut tunngassuteqartut ilangunneqarnissaat isumannaassavaa, taamaaliornikkullu aningaasartuutinut missungiutinik sippuinermik peqquteqartumik inuttaasunit isornartorsiorneqaratarsinnaaneq killilersimaarneqassaaq¹. Ajugaasoq toqqrneqareerpat piaartumik sanaartorneq aallartinneqarsinnaavoq. Taamatut periuseqarluni sanaartortitsineq iluatsittumik pisortanit siornatigut atorneqartareerpoq, soorlu aamma Atuarfik Hans Lyngel kiisalu Naluttarfik Maliup sanaartorneqarnerini taamaattoq. Sanaartornerup piaernerumik aallartittarnera ilusilersugaanikkullu takorlukkersuutit piviusorsiornerusarneri taassuma pitsaaneroqutigivai, kinguaattooratarsinnaanerit aningaasartuuteqarnerusariaqaratarsinnaanerillu taamatut ikilisillugit.
5. Neqerooruteqartitsinermut peqataasut suliamilli *tigusinngitsut* aalajangersimasumik annertussusilimmik aningaasartuutiminnt matussusiivigineqarnissaannut aningaasartuutit aaqqissuullugu pilersaarusiamut aningaasaliissutinut siusinnerusukkut

¹ Taakku oqimaaqtigiissaarneqarneri neqeroorummi nassuaatigineqassapput. Suliamik naliersueriaatsimi atorneqartumi toqqammavittut ima pingaarnersiorneqartarpot: Illumik Ilusilersuinermut 40 pct. Atoruminasutsimut 40 pct. Kiisalu aningaasartuutinik aqutsinermut 20 pct. Soorunami pissutsit allat aamma soorlu sanaartornermi atortussat nunatsinneersut qanoq atorneqartigineri, avatangiisit qajagalugit sanaartugaassuseq il.il. oqimalutaanermi ilangunneqarsinnaapput.

Siulittaasoqarfimmit qinnutigineqarnissaat aalajangiunneqartunut, aamma ilanngunneqarnissaat periutsip qulaani taaneqartup nassatarissavaa. Branchemi tassani tamatuma malinneqartarnera nalinginnaasuuvooq, tassami illussamik titartaalluni nappaanissamullu neqeroorusiornermik suliaqarneq ingammik suliffeqarfinnut mikisunut akisoorujussuusinnaammat, taamaalillutillu suliffeqarfiiut taakku neqeroorusiorlutik suliaqarnerminni aningaasartuutitik utertinneqarsinnaangippata unammisitsinermut peqataanissamut nangaasoorsinnaallutik. Sanaartorerup piaartumik suliarineqarnissaat kiisalu nappaanermi akip qaffannginnissaata isumannaarneqarnissaat eqqarsaatigalugit aningaasartuutit taakku inissaminiipput, soorlu sanaartortitseriaaseq allakkiap uuma imarisaani innersuussutigineqartoq naapertorlugu.

IIIup angissusissaa – inissamik naammalluartumik pisariaqartitsineq

Soorlu allakkiami 10. august 2013-imeersumi paasititsissutigineqartoq suliap maannamut killifiani sanaartukkap angissusissaanik aningaasaliissutinillu *killeqarpallaamik* aalajangiussinnginnissaq kaammattutigineqarpoq. Illu pisariaqartinnejartumik missiliugallarnikkut 3000 kvm.-inut angissusilerneqarpoq, kisianniuna sanaartukkamik mikinaarinnginnissaq siunissamilu inissamik siumut naatsorsutigineqanngitsumik atortulersuutinullu pisariaqartitsilersinnaanerup isumannaarnissaa sillimaffiginiarlugu maannamuugallartoq 5000 kvm.-inut angissusilerneqarnissa innersuussutigineqartoq. Sanaartukkap akia 100 mio. kr.-inut aalajangiunnagu, allakkiami 10. augustimeersumi oqaatigineqartutut 190 mio. kr.-inut tagginneqarnissaanik tamanna isumaqarpoq. Sanaartukkap ukiut 30-it ingerlaneranni akilerneqartussaanera tassunga atatilliugu naqissusertariaqarpoq, taamaammallu sanaartornermi akip qaffasinnerulaartup qaammammukkaartumik akilersuinissamut periarfissat annertunerusumik sunniuteqarfingissanngilai.

Kvadratmeteterinut aningaasartaliinernullu missingersuutit sanaartukkamut pilersaarusiap suliarineqarnerani erseqqinnerusumik najoqqutalersorneqassapput.

Qulaani tunngavilersuutigineqartut aallaavigalugit pilersaarusiqaq attartortitsisumit maannamuugallartoq pitsasuusutut nalilerlugu Illuut A/S-imut nalunaarutigineqarsimasoq oqaatigineqarsinnaavoq.

Piffissamik atuineq

Sanaartugassamut ataatsimut neqerooruteqartitsinerup qulaani eqqaaneqartutut atorneqarneratigut sanaartukkap piffissaliussap aalajangersimaqqissaartup iluani napparneqarnissa ilimagineqarpoq. Tapiliussatut aningaasaliissutit UKA 2013-ip naggataata tungaani akuersissutigineqareerpata suliaq pisortatigoortumik aallartinneqarsinnaavoq. Sanaartortitsisup siunnersortaa Siulittaasoqarfimmit toqbarneqartoq 2013-imi ukiuunerani pissutsit qulaani pineqartut aallaavigalugit sukumiisumik pisariaqartitat pillugit misisueqqissaassaaq. Suliaq taassuma ingerlanneqarneranut atatillugu Allattoqarfiup suliamut ataqatigiissaarisuata sanaartortitsisup siunnersortaanik Illuut A/S-imiillu aallartitanik peqateqarluni Savalimmiunut, Islandimut, Danmarkimut Skotlandimullu angalanissaat naatsorsuutigineqarpoq, taakkunani Inatsisartut illuisa ilusilersugaanerinik unammilligassanillu qulaajaanissaq siunertaralugu. Sanaartugassamut pilersaarusiqaq naammassillugu suliarineqarsimasoq juli 2014 piareersimassasoq naatsorsuutigineqarpoq,

taamaalillunilu august 2014 ataatsimoorussamik neqerooruteqartitsisoqarsinnaalluni, neqerooruteqarsinnaaneq qaammatinut pingasunut killilerlugu. Tamanna pitinnagu toqqavissap inissinneqareersimanissa piumasaqaataavoq. Naliliisussat suliamik ilisimasaqartut (illussanik titartaasartut) Siulittaasoqarfillu december 2014 nalliutsinnagu unammisitsinermi ajugaasumik toqqaassapput. Sanaartornerup januar 2015 aallartinneqarsinnaanera naatsorsuutigineqarpoq. Sanaartornerup ukiuni marlunni ingerlasarnera nalinginnaasumik naatsorsuutigineqartarpooq. Inatsisartut illussaat tamatuma malittuanik februar 2017 Siulittaasoqarfimmum tunniunneqarsinnaassaaq.

Unammilligassat piusut

Siulittaasoqarfiup ulloq 22. august ilaatigut qitiusumik allaffeqarfimmi piusumi sanaartorfiusussamik tulluartumik nassaarniarnermi ikioqqulluni saaffiginnissutaanut suli Naalakkersuisut akissuteqanngillat. Taamaammallu allaffissornikkut eqqaasitsissummik nassitsisoqarpoq.

Alloriarneq tulleq

Aalajangiiffigisassatut siunnersummut 2013-imu ukiakkut ataatsimiinnermi Siulittaasoqarfimmit saqqummiunneqartumut Inatsisartunillu akuerineqartumik pilersaarummut aningaasaliissutinik isumannaarinninnissaq siunertaralugu AIS14-imut allannguutissatut siunnersummk Siulittaasoqarfiup saqqummiussinissa Siulittaasoqarfimmit siusinnerusukkut taperserneqarpoq. Taamaattorli aningaasaliissutip taassuma 2013-imut ilassutit aningaasaliissutit illuartinneqarsinnaanera pitsaasuusutut isigineqarpoq, tamatuma kingorna sanaartornermut iluarsartuussinermullu aningaasaateqarfimmi sanaartornermut aningaasaliissutit ingerlateqqinneqarluni. Taamaaliornikkut aningaasaliissutit piaernerusumik inississapput, atatillugulu pilersaarusiamut aningaasaliissutit aningaasanut inatsisissami suliarineqarnermini naalakkersuinikkut aningaasaliissutinik sukangasuumik pingaarnersiuinermut akulerutsinnejarnissaat pinngitsuuussalluni.

Inassuteqaatit

Inassutigineqarpoq,

- Pilersaarutip ingerlanneqartup allakkiamillu uannga nassuaatigineqartup ingerla-teqqinneqarnissa Siulittaasoqarfiup tapersissagaa, aamma
- aalajangiiffigisassatut siunnersuut ilangunneqartoq Inatsisartut ataatsimiinneranni matumanii naammassillugu suliarisassanngorlugu Inatsisartunut saqqummiunneqarnissaakuersissutigineqassasoq.

Ellen Kolby Chemnitz

Allattaaneq

/

Nikolai Sten Christensen

Allattoqarfiup pisortaa